

# Ua Toe Taumafai Raina

Saunia e Jane Choate  
(E faavae i se tala moni)

O lenei tala sa tupu i le ISA.

Sa toe faitau e Raina ia upu So loo i luga o le pepa i lana aoga. *Tauvaga Tala: Manumalo i se malaga maua fua i le Aai o Niu Ioka!*

Sa o se tauvaga mo tamaiti aoga i le tele o aoga i le eria. Sa mafaufau Raina ia te ia lava i le Aai o Niu Ioka, faatasi ai ma le mau fale tetele maualuluga na siomia ai o ia ma le Faatagata o Liperate na lata ane. Sa manao o ia e alu!

“E tatau ona e ulufale atu”, o le tala lea a Sydney. “O oe o le tusitala sili ona lelei i la tatou vasega!”

O upu a Sydney na maua ai e Raina se lagona lelei. Sa le'i tele ni mea na ia iloa e uiga i tusigā tala. Ae sa ia manao e taumafai.

Ina ua tuua le aoga, sa nofo Raina i lana kesi. *Oomi, oomi, oomi.* Sa ia ta ta lana penitala i luga o le pepa a o ia mafaufau e uiga i ona manatu. Mulimuli ane, sa amata ona ia tusitusi.

Sa alu ai se vaiaso atoa mo Raina e faamae'a ai. Ae faatasi ai ma sina

fesoasoani mai ia Tina, sa iu ai ina ia lagona ua saunia e faaulu atu lana tala.

Na mavae ni nai vaiaso. Sa fiafia Raina e vaai po o ai na manumalo. Atonu o le a le pine ae agai atu o ia i Niu Ioka!

“E silia ma le selau tamaiti aoga na faaulu mai,” Na fai mai ai Mr. Wright mai luma o le potuaoga. “Faafetai atu ia te outou uma o e na tusia se tala.”

Sa ta ta vale le fatu o Raina i le fiafia.

ATA NA TUSIA E VIVIANA WINEKER

“E ui e leai se tasi o a tatou tamaiti aoga na manumalo i le tauvaga, ae sa i ai Raina i le toalima pito i luga. Faamalo atu, Raina,” Sa fai atu ai Mr. Wright.

Sa ataata Raina a o patipati ana uo i le vasega. Ae o totonu sa le fiafia ai o ia. O le i ai i le pito i luga e lima sa le lelei e pei o le manumalo. O lana miti o le vaai o Niu Ioka ua leai.

Ina ua taunuu Raina i le fale, sa ia faapa'u ifo i se nofoa i le umukuka e i autafa o ona matua. “Sa ou faia i le tauvaga,” o lana tala lea. “O le taimi mulimuli lena o le a ou toe taumafai ai i se mea fou. O le a ou faia le mea ou te iloa ou te lelei ai.” Sa ia kavaina lona ulu i ona lima.

“Ou te faamalie atu e te le'i manumalo. Ma te matuā mitamita lava ma Tina ia te oe ona o lou taumafai,” o le tala lea a Tama. Sa ia nofo i talaane o Raina. “E te manatua le taimi na ou le faigaluega ai i ni nai tausaga ua mavae?”

Sa luelue le ulu o Raina. “Sa ou talosaga mo le tele o galuega ma

sa le'i faamanuiaina d'u i se tasi o i latou,” o le tala lea a Tama. “Sa ou lagonaina le lotovaivai.”

Sa ea i luga le ulu o Raina. “E mo'i?” Na luelue le ulu o Tamā. “Ae ou te le'i faavaivai ai. Ina ua mavae se taimi umi, sa ou maua se galuega sa atoatoa. Ae semanu e le tupu pe ana o'u le toe taumafai.

Sa tuu e Tina se lima faamafanafana i luga o le tua o Raina. “E te iloa pe fia ni tala ou te auina atu i mekasini eseese? sa ia fesili ai. “Ma e fia e teenaina? Ae e le mafai ona ou fiu pe afai ou te manao e vaai i la'u galuega o lolomiina. E taua le tusitusi ia te d'u, o lea ou te taumafai ai pea.

Sa manatu lava Raina e lelei ona matua i mea uma sa la faia. Na te le'i iloina foi na teena i la'ua.

Sa faanoanoa pea o ia, ae sa foliga le atamai *le le toe taumafai* i se mea fou. E le o le mea lena na finagalo ai le Tama Faalelagi mo ia. Sa tonu ia Raina o le a le fiu o ia. Sa mafai ona ia taumafaia nisi mea, e oo lava i mea na te le'i faia i le taimi lava lena.

“Ou te manatu o le a ou toe ulufale atu i le tauvaga i le tausaga a sau,” o le tala lea a Raina. O le faid'ina i le tauvaga e le faapea o le mutaaga lea o ana miti.



Sa alu Raina i lana kesi ma piki i luga lana penitala. Sa manaia lava le tusitusi. *Oomi, oomi, oomi.* O le a la le isi mea fou e mafai ona ia tusia? ●



“E fiafia le Alii i taumafaiga, aua o taumafaiga e aumaia ai tau'i lea e le mafai ona oo mai e aunoa [ma taumafaiga].”

Russell M. Nelson, i le Joy D. Jones, “O Se Valaauga e Faapitoa Lona Tamalii,” *Liahona*, Me 2020, 16.